



Broj: T18 0 KT 0018563 25
Brčko, 25.08.2025. godine

Optužnica potvrđena dana 28.08.2025. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

Z. I., rođen 1991. godine u Brčkom,

Što je:

1. Dana 25.02.2025. godine, oko 14.50 časova, u Brčko distriktu BiH, u mjestu Brezovo polje, u ulici ..., na zakupljenom posjedu samostalnog preduzetništva „EURO PLOD“ Brčko distrikt BiH, gdje je došao zajedno sa M. N., pa nakon prethodne verbalne prepirke sa L. A., svjestan da udarcima teleskopskom palicom po motornom vozilu isto može oštetiti, što je i htio, uzeo teleskopsku palicu i udario istom po putničkom motornom vozilu marke VW Passat, registarskih oznaka ..., vlasništvo L. A., polupavši tako prednje vjetrobransko staklo i prednji desni far na navedenom motornom vozilu, kojom prilikom su na predmetnom vozilu nastala oštećenja u vidu razbijanja vanjske transparentne plastične zaštite prednjeg desnog fara i napuknuća vjetrobranskog stakla u prednjem lijevom dijelu, čime je vlasniku automobila L. A. pričinjena šteta u iznosu od 730,00 KM,

dakle, oštetio tuđu stvar,

2. Dana 10.05.2025. godine, oko 16.00 časova, u Brčko distriktu BiH, u Centru, na adresi ..., u bašti hotela „Jelena“, iako je znao da je Zakonom o oružju i municiji u Brčko distriktu BiH propisano da je zabranjeno nabavljanje, držanje, nošenje ili prodaja oružja i bitnih dijelova za oružje kategorije B bez odgovarajuće isprave o oružju, svjestan da ne posjeduje odgovarajuće isprave o oružju, što je i htio, bez takve isprave nosio oružje koje se osnovu člana 7. stav (3) Zakona o oružju i municiji u Brčko distriktu BiH ubraja u oružje kategorije B, i to jedan pištolj marke „Crvena Zastava“, model M70, kalibra 7,65 mm, serijskog broja I-289766, sa jednim pripadajućim okvirom u kojem su se nalazila dva metka, sa kojim oružjem je zatečen prilikom kontradiverzionog pregleda prostorija hotela „Jelena“, vršenog radi posjete i boravka delegacije EUAM Ukrajine u Brčko distriktu BiH, kada je uređaj za detektovanje eksploziva marke „HEDD“ odreagovao u blizini stola za kojim je sjedio, a koje oružje je na upit policijskog službenika K. Z. bez protivljenja predao,

dakle, bez važeće isprave o oružju nosio oružje kategorije B,

čime je pod tačkom 1 izvršio krivično djelo – Oštećenje tuđe stvari – iz člana 287. stav (1) Krivičnog zakona Brčko distrikta BiH, a pod tačkom 2. izvršio krivično djelo – Neovlaštena nabavka, držanje ili prodaja oružja ili bitnih dijelova za oružje – iz člana 65. stav (1) Zakona o oružju i municiji u Brčko distriktu BiH, a sve u vezi sa članom 54. Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
